



Ezra 8:21-36

BIBLE

STUDY

June 16-22

MAHALAGANG PRINSIPYO SA BUHAY



PAG**T**UKLAS



PAG **U**NAWA



PAG**T**UGON

Ezra 8:21-36

Magandang Balita Biblia

Pinangunahan ni Ezra ang mga Tao sa Pag-aayuno at Pananalangin

21 “Doon sa pampang ng Ilog Ahava, sinabi ko sa buong grupo na kaming lahat ay mag-aayuno at maninikluhod sa harap ng aming Diyos upang hilingin sa kanya na patnubayan kami at ingatan sa paglalakbay, pati na ang aming mga anak at mga ari-arian. 22 Nahihiya akong humiling sa hari ng mga kawal na magbabantay sa amin laban sa mga kaaway habang kami'y naglalakbay sapagkat nasabi ko na sa hari na pinapatnubayan ng aming Diyos ang lahat ng nagtitiwala sa kanya. Napopoot siya at nagpaparusa sa mga nagtatakwil sa kanya.



Ezra 8:21-36

Magandang Balita Biblia



23 Nag-ayuno nga kami at hiniling sa Diyos na nawa'y ingatan kami, at pinakinggan naman niya ang aming kahilingan.

Ang mga Handog para sa Templo

24 “Mula sa mga pangunahing pari ay pinili ko sina Serebias at Hashabias, at sampung iba pa na pawang mga kamag-anak din nila. 25 Pagkatapos ay tinimbang ko at ibinigay sa mga pari ang mga pilak, ginto, at lalagyang ipinagkaloob ng hari at ng kanyang mga tagapayo at mga pinuno, at ng buong Israel upang gamitin sa Templo.

Ezra 8:21-36

Magandang Balita Biblia

26-27 Ang mga ibinigay ko sa kanila ay 22,750 kilong pilak; sandaang sisidlang pilak na may bigat na pitumpung kilo; 3,500 kilong ginto; dalawampung mangkok na ginto na ang timbang ay walong kilo at apat na guhit; at dalawang mangkok na yari sa pinong tanso na kasinghalaga ng mga mangkok na ginto.”



Ezra 8:21-36

Magandang Balita Biblia



28 Sinabi ko sa kanila, “Kayo’y banal sa harap ni Yahweh, ang Diyos ng inyong mga ninuno; sagrado rin naman ang lahat ng pilak at gintong kagamitan na iniaalay kay Yahweh bilang mga kusang-loob na handog. 29 Ingatan ninyong mabuti ang mga ito hanggang sa makarating kayo sa Templo, sa silid ng mga pari, kung saan titimbangin ang mga ito sa harap ng mga punong pari, mga Levita at mga pinuno ng mga angkan ng Israel sa Jerusalem.”

Ezra 8:21-36

Magandang Balita Biblia

30 Pinamahalaan nga ng mga pari at mga Levita ang mga ginto, ang mga pilak, at ang mga lalagyan. Kinuha nila ang mga ito at dinala sa Templo ng aming Diyos sa Jerusalem.

Ang mga Handog para sa Templo

31 Umalis kami sa pampang ng Ilog Ahava at naglakbay patungong Jerusalem noong ika-12 araw ng unang buwan. Pinatnubayan kami ng aming Diyos at iningatan kami sa anumang pananalakay at pananambang ng mga kaaway. 32 Pagdating namin sa Jerusalem, tatlong araw kaming nagpahinga roon.



Ezra 8:21-36

Magandang Balita Biblia



33 Noong ikaapat na araw, nagtungo na kami sa Templo at pagkatapos timbangin doon ang mga pilak, ang mga ginto, at ang mga lalagyan, ipinagkatiwala namin ang mga ito sa paring si Meremot na anak ni Urias, Eleazar na anak ni Finehas at sa mga Levitang sina Jozabad na anak ni Josue at Noadias na anak ni Binui. 34 Ang lahat ay binilang at tinimbang, at ang timbang ng bawat isa ay inilista.

Ezra 8:21-36

Magandang Balita Biblia

35 Ang lahat ng bumalik mula sa pagkabihag ay nagdala ng mga handog na susunugin para sa Diyos ng Israel. Nag-alay sila ng labindalawang toro para sa buong Israel, siyamnapu't anim na tupang lalaki at pitumpu't pitong kordero; nag-alay din sila ng labindalawang kambing na lalaki bilang handog para sa kasalanan. Ang lahat ng ito'y sinunog bilang handog kay Yahweh.



Ezra 8:21-36

Magandang Balita Biblia

36 Ibinigay din nila sa mga gobernador at mga pinuno ng lalawigan sa kanluran ng Ilog Eufrates ang nakasulat na utos ng hari. Sa bisa ng utos na ito ay tumulong ang mga pinuno sa buong bayang Israel at sa pagsamba sa Templo ng Diyos.



MAHALAGANG PRINSIPYO SA BUHAY

Ezra 8:21-36

"Magpapakumbaba ako at
magtitiwala ako sa Diyos lamang."

Paano ipinakita ni Ezra ang paggalang niya sa Diyos nang sila ay naglakbay pabalik sa Jerusalem? (vv. 21, 23)

Sino-sino ang mga nag-alay
para sa bahay ng Diyos at ano
ang kanilang mga kaloob?
(vv. 25-26)

Ano ang tugon ng Diyos sa ginawang pag-aayuno at pananalangin nina Ezra at ng mga pinatapon? (vv. 31-32)

Ano pang mga katangian ni Ezra ang napakita dahil sa ginawang pananalangin at pag-aayuno habang naglalakbay pabalik sa Jerusalem?



Paanong ang pagsuway ni Ezra na humingi ng tulong at proteksyon ng hari ay nagpakita ng pagsang-ayon ng Diyos?



Ano ang kahalagahan ng tekstong, “
Ang lahat ay naitala at binilang ayon
sa bilang at timbang, at ang kabuuang
timbang ay naitala sa oras na iyon.”?

Sa anong aspeto pa ng buhay mo ikaw
pinakanahirapang magpakumbaba at
dumepende sa Diyos kaysa sariling abilidad at
mapagkukunan?

Paano ka tutugon kapag nahaharap ka sa mga hamon na parang hindi mo kontrolado?

Anong mga praktikal na hakbang ang maaari mong gawin para mapakita sa iba ang pagtitiwala mo sa Diyos, lalo na sa isang kultura na pinahahalagahan ang umaasa sa sarili?



MAHALAGANG PRINSIPYO SA BUHAY

Ezra 8:21-36

"Magpapakumbaba ako at magtitiwala
ako sa Diyos lamang."

MAHALAGANG PRINSIPYO SA BUHAY

Ezra 8:21-36



PAG**T**UKLAS



PAG **U**NAWA



PAG**T**UGON

Small Group Sessions
CLOSING PRAYER





Ezra 8:21-36

BIBLE

STUDY

See You Next Week!



KBCF

#4 11th Jamboree Street, Sacred Heart, Quezon City, Philippines

Worship Service Schedule: 9am

Livestream: Facebook and YouTube



kbcf.org.ph



[KBCFofficial](#)



[KBCFamily](#)



kbcf.office@gmail.com



0917-886-6650



8927-7420 | 8928-6584